

vændum þar í landi, þegar hinum frjálslyndari stjórnsmálaflokkum vex svo flskur um hrygg, að þeir nái sínum málum fram að koma.

Það hefir sætt mikilli eftirtekt, að Þýzkalandskeisari hótaði nýlega að innlima fylkin Elsass og Lothringen í Prússland. Þessi fylki, sem liggja vestast í Þýzkalandi fast við landamæri Frakklands, hafa tilheyrt þýzka ríkinu síðan Þjóðverjar unnu sigur á Frökkum 1870—71. Þau hafa notið sjálfstjórnar að nokkru leyti, líkt og önnur fylki og ríki, sem þýzka keisararíkið samanstendur af. En þrátt fyrir allar tilraunir þýzku stjórnarinnar hefir ekki tekist að uppræta frakkneskt þjóðerni og vináttu til Frakklands meðal íbúa fylkjanna.

Enginn viðburður hefir, að líkindum, dregið eins að sér at-
hygli manna og forseta útnefningar Bandaríkjanna. Í repúblika flokknum var langur bardagi og harður milli fylgjenda Tafts forseta og þeirra, sem vilja koma fyrverandi forseta, Roosewelt, að. Taft fékk útnefningu flokksins; en fylgjendur Rooseveltts útnefndu hann á sérstökum fundi, er þeir héldu á eftir. Ráðgera þeir að mynda nýjan stjórnsmálaflokk áður en kosningar fara fram í nóvember í haust. Hvort það tekst er víst enn þá mikið vafamál. Því er spáð, að sundurþykkjan innan flokksins gefi forsetaefni demókrata byr undir báða vængi. En þegar þess er gætt hve stór afismunur flokkanna hefir verið við undanfarnar forsetakosningar, er alls ekki víst að demókratar eigi vísan sigur; sérstaklega vegna þess, að þeir eru eigi heldur á eitt sáttir. Yfirleitt virðist mjög erfitt að leiða getum að því nú, hver muni verða kosinn forseti þegar kjósendasamkundan (electoral college) kemur saman í haust.

Afarerfitt gengur barátta kvenfrelsiskonanna á Englandi. Leiðtogar þeirra eru dæmdir til fangelsisvistar fyrir að vera valdir að skemdum á eignum, sem hljótaf af uppþotum kvennanna. Í fangelsinu svelta konurnar sig, svo að útlit er fyrir að sumar þeirra missi heilsuna. Mrs. Pankhurst, sem er ein af allra áköf-